



სსკგ-ს თავმჯდომარე სიტყვით გამოვიდა რელიგიური თავისუფლების საკითხებთან დაკავშირებით ვაშინგტონში გამართულ საერთაშორისო სამიტზე



2021 წლის 14 ივლისს, მოსკოვისა და სრულიად რუსეთის პატრიარქ კირილეს ლოცვა-კურთხევით, საგარეო საეკლესიო კავშირების განყოფილების თავმჯდომარე, ვოლოკოლამსკის მიტროპოლიტი ილარიონი მოხსენებით გამოვიდა რელიგიური თავისუფლების საკითხებთან დაკავშირებით ვაშინგტონში ჩატარებული საერთაშორისო სამიტის სხდომაზე.

შეხვედრაში მონაწილეობდნენ პოლიტიკური, საზოგადოებრივი და საეკლესიო მოღვაწენი მთელი მსოფლიოდან, მათ შორის, ადგილობრივი მართლმადიდებელი ეკლესიების, რომაულ-კათოლიკური

ეკლესიის, ძველი აღმოსავლური ეკლესიისა და სხვადასხვა პროტესტანტული დომინაციის წარმომადგენლები.

ლონისძიების მონაწილეებს ვოლოკოლამსკის მიტროპოლიტი ილარიონი წარუდგინა ქრისტიანული უფლებადამცველი ორგანიზაციის – **The Open Doors USA** პრეზიდენტი დევიდ კარიმ. მან აღნიშნა სსკგ-ს თავმჯდომარის უალრესი ძალისხმევა ქრისტიანთა დაცვის სფეროში.

მიტროპოლიტმა ილარიონმა მინვევისათვის მადლობა გადაუხადა სამიტის ორგანიზატორებს და **Open Doors** ორგანიზაციის ხელმძღვანელობას, და საკუთარ სიტყვაში აღნიშნა: „დღეს ბევრ ქვეყანაში ამა თუ იმ ზომით ირღვევა სარწმუნოების აღმსარებლობის თავისუფლება. მსოფლიოს ზოგიერთ რეგიონში ქრისტიანებს კლავენ, სახლებიდან აძევებენ, შეურაცხყოფენ მათ ტაძრებსა და სინაგოგებს. ეს მდგომარეობა ჩვენს უკიდურეს შემფოთებას იწვევს“.

თავის გამოსვლაში სსკგ-ს თავმჯდომარე შეეხო, კერძოდ, ახლოაღმოსავლეთის მოვლენებს: „ქრისტიანული მოსახლეობის გამალეული შემცირება იმ ახლოაღმოსავლურ ქვეყნებშიც კი შესამჩნევია, სადაც ქრისტიანები და მუსლიმები საუკუნეების მანძილზე ერთად ცხოვრობდნენ, როგორც, მაგალითად, ლიბანში. სირიის იმ რეგიონებში, რომლებიც ექსტრემისტების მიერ იყო დაპყრობლი, ქრისტიანებმა სასტიკი დევნა განიცადეს. მსგავს პროცესებს აქვს ადგილი ერაყშიც, სადაც უკანასკნელი 18 წლის განმავლობაში ქრისტიანთა რიცხვი მილიონ-ნახევრიდან 150 ათასამდე შემცირდა. ლიბანში კი პრაქტიკულად გაქრა ქრისტიანული მოსახლეობა“, – მოახდინა მლდელთმთავარმა ფაქტების კონსტატაცია.

მანვე აღნიშნა, რომ მსგავსი მდგომარეობა დამახასიათებელია ახლო აღმოსავლეთის იმ ქვეყნებისათვის, სადაც დაირღვა რელიგიურ თემებს შორის არსებული მრავალსაუკუნოვანი ბალანსი. „ზოგიერთ ამ სახელმწიფოში არსებული რეჟიმები დამხობილი და შეცვლილი იქნა გარეშე ძალების გამოყენებით, რის შემდეგაც, დაპირების თანახმად, დემოკრატია უნდა დამყარებულიყო. თუმცა დემოკრატია დღემდე არ არის არც ერაყში და არც ლიბანში. ეს სიტუაცია ქრისტიანებისთვის ერთობ მძიმე ასატანია, რადგან სწორედ ისინი გახდნენ პირველი მსხვერპლი გარედან ორგანიზებული პოლიტიკური კატაკლიზმებისა“, – განაცხადა მლდელთმთავარმა.

თავის გამოსვლაში მეუფე ილარიონმა მსმენელთა ყურადღება მიაპყრო იმასაც, რომ ქრისტიანთა დევნის ცენტრი თანდათან აფრიკის ზოგიერთი ქვეყნისკენ იწვევება, კერძოდ, ნიგერიისა და ეთიოპიისკენ, სადაც ქრისტიანული რელიგიის მიმდევრებს ხოცავენ, ეკლესიებს კი ანგრევენ. „მინდა იმედი გამოვთქვა, რომ დღეს აქ წარმოდგენილი რელიგიური და უფლებადამცველი ორგანიზაციები შეძლებენ, ჩამოაყალიბონ ერთიანი ფრონტი ახლო აღმოსავლეთისა და ჩრდილოეთ აფრიკის დევნილი ქრისტიანების დასაცავად და მათთვის დახმარების გასანევად“, – აღნიშნა იერარქმა.

მოხსენებაში სსკგ-ს თავმჯდომარემ სამიტის მონაწილეებს უამბო უკრაინაში შექმნილ სიტუაციაზე,

სადაც საკუთარ თავს მართლმადიდებლად მოიხსენიებს ერთდროულად ორი ჯგუფი თითქმის ერთნაირი სახელწოდებით: უკრაინის მართლმადიდებელი ეკლესია და „მართლმადიდებელი ეკლესია უკრაინის“.

მიტროპოლიტმა ილარიონმა დამსწრე საზოგადოებას აუწყა, რომ უკრაინის ყოფილი პრეზიდენტი პეტრე პოროშენკო ცდილობდა, ეს ორი სტრუქტურა გაეერთიანებინა, თუმცა მთელი რიგი კანონიკური და შიდაეკლესიური მიზეზების გამო, ეს შეუძლებელი გახდა. ამასთან, გასათვალისწინებელია, – აღნიშნა მან, – რომ უკრაინის მართლმადიდებელი ეკლესია – ეს არის ყველაზე მრავალრიცხოვანი ქრისტიანული თემი უკრაინაში.

„აქვს რა კანონიკური და სულიერი კავშირი რუსეთის მართლმადიდებელ ეკლესიასთან, ის წარმოადგენს ავტონომიურ და თვითმმართველ სტრუქტურას – როგორც ადმინისტრაციულად, ისე ფინანსურად. ახლა კი ეს ეკლესია ფაქტიურად კარგავს თავის კუთვნილ უფლებებს. კერძოდ, მის ტაძრებს ძალადობრივად იტაცებენ და სხვა იურისდიქციაში გადაჰყავთ: უკვე 500-ზე მეტი ტაძარია მიტაცებული ან უკანონოდ გადარეგისტრირებული. ხშირ შემთხვევაში ეს ძალადობრივი გზით ხორციელდება. ზოგიერთ დასახლებულ პუნქტში ეკლესიის მრევლი იძულებულია, ღია ცის ქვეშ ილოცოს – ზოგჯერ, მუხლამდე თოვლში, მაშინ როდესაც კანონით კუთვნილი მათი ტაძრები ბოქლომითაა დაკეტილი. ეს სამრევლოები მიმართავენ სასამართლოს, სასამართლო მათთვის სასარგებლო გადანყვეტილებებს იღებს, მაგრამ განაჩენები არ სრულდება“, – აუწყა მღვდელთმთავარმა დამსწრე საზოგადოებას.

სსკგ-ს თავმჯდომარე იმ კანონებზეც შეჩერდა, რომლებიც პოროშენკოს პრეზიდენტობის დროს მიიღეს: „მიღებული კანონის თანახმად, უკრაინის მართლმადიდებელი ეკლესიის სახელი უნდა შეცვლილიყო და დარქმეოდა რუსეთის მართლმადიდებელი ეკლესია უკრაინაში, თითქოს ის რუსეთის ფედერაციის წარმომადგენელი რაღაც უცხოური ორგანიზაცია ყოფილიყოს, მაშინ როდესაც, უკრაინის მართლმადიდებელი ეკლესია წარმოადგენს უკრაინის ყველაზე მრავალრიცხოვან კონფესიას, აერთიანებს მილიონობით მორწმუნეს, 12 ათასზე მეტ სამრევლოს და 25-ზე მეტ მონასტერს. მას მიეკუთვნება ისეთი უმსხვილესი სამონასტრო სავანეები, როგორიცაა კიევ-პეჩერის ლავრა. ეს ეკლესია შედგება უკრაინელებისგან: მისი ეპისკოპატი, სამღვდელოება და მრევლი უკრაინაში დაიბადნენ, უკრაინის მოქალაქეობა აქვთ, თავისი ქვეყნის პატრიოტები არიან“.

მეუფე ილარიონმა სხვა კანონზეც ილაპარაკა, რომელიც რელიგიური თემების გადარეგისტრირებას გულისხმობს ერთიდან მეორე იურისდიქციაში, და აღნიშნა, რომ მართლმადიდებლურ საზოგადოებებს არ გააჩნიათ დარეგისტრირებული წევრობა და ამიტომ პრაქტიკაში ნებისმიერ ჯგუფს შეუძლია, მივიდეს რომელიმე ქალაქში ან სოფელში და მოითხოვოს იქ არსებული ტაძრისთვის იურისდიქციის შეცვლა.

თავისი გამოსვლის დასკვნით ნაწილში, სსკგ-ს თავმჯდომარემ სამიტის მონაწილეებს მოუწოდა, მორწმუნეთა უფლებების დასაცავად ერთიანი ფრონტის შექმნისაკენ მსოფლიოს ყველა ქვეყანაში, სადაც კი ეს უფლებები ირვევა.

წყარო: <https://mospat.ru/ge/news/87730/>